

歷代倫理學文獻輯刊

30

吳平 葉憲允 張藝績 編



國家圖書館出版社

吳平 葉憲允 張藝繽 編

歷代倫理學文獻輯刊

30

國家圖書館出版社

第三十冊目錄

小學弦歌八卷 (清)李元度輯 清光緒五年(1879)平江李氏刊本 一

卷一 教孝 六五

卷二 教忠一 一五三

卷三 教忠二 一八七

卷四 教夫婦之倫 三二九

卷五 教兄弟之倫 四四九

卷六 教小學 四七九

卷七 戒貪 六〇一

卷八 廣勸戒 六七三

川學
強歌

詩以理性情尤以人倫爲本孔子曰詩可以興可以觀
可以羣可以怨邇之事父遠之事君統凡學詩者言之
也而在小學時天性未漓凡事以先人之言爲主尤當
使之漸摩於詩教養其良知良能庶能鼓舞奮興而不
自己程子嘗曰教人未見意趣必不樂從欲且教之歌
舞如詩三百篇皆古人所作若關雎諸什爲正家之始
故用之鄉人用之邦國使人習聞之然此等詩其辭簡
奧今人未易曉欲別作詩略言教弟子洒掃應對進退
事親事長之節令朝夕歌之似當有助又曰古之學者

自八歲入小學十五入大學有聲音以養其耳義理以
養其心歌舞以養其血氣今俱亡矣而朱子亦嘗疑曲
禮衣毋撥足毋蹶將上堂聲必揚將入戶視必下等語
語皆用韻必古人所以教初學如管子所錄弟子職之
類故所作小學錄韓文公董生行范魯公戒從子詩以
開其義例凡以詩之爲教溫柔敦厚其善者足以感發
人之善心而其辭氣音節抑揚抗墜使人涵泳優游而
自得之故其感人尤易入程朱二子發明孔子立教之
意至深切矣顧小學中錄詩止數篇而程子所欲作者

汔未就也三代以降凡號稱詩人率役志於風雲月露之辭而於詩教之本或去而益遠世教之不興人才之不古若所繫豈淺鮮歟元度山居多暇竊體程朱之意撫古今詩之可以厚人倫勵風俗者博觀而約取之彙爲一編以教小學凡爲教者十有六爲戒者十有二而以廣勸戒終焉計得詩九百三十餘篇名曰小學絃歌冀附小學以行而因以求合孔子教人學詩之旨學者童而習之絃而歌之雍容而饜飫之於以動其天性之良養其血氣心知之用可歌可泣可興可觀將有不知

手之舞之足之蹈之者不特性情可理倫紀可敦卽三百篇之旨要亦求諸此而有餘師其於小學之教或未必無補焉第苦見聞不廣挂漏者多然其大要則略具於此矣

光緒五年夏五月旣望平江李元度自序

凡例

一朱子小學爲人生不可不讀之書中錄韓昌黎范魯公諸詩本伊川程子之意也第錄詩過少今特仍其例而廣之分教戒二門教之類十有六戒之類十有二而以廣勸戒終焉正小學之支流餘裔也其詩不分古今體但略以作者之時代爲次其字句間有不同則因諸本互異擇善而從耳

一記云溫柔敦厚詩教也三百篇之旨不外人倫日用今所錄諸詩皆切於人倫日用者學者童而習之以先

入之言爲主優游諷詠意味自出塾師復取其事蹟口講而指畫之使忠孝節義之大閑森然在目必能興起其善心懲創其逸志夫子無邪之旨不外是矣上者可以理性情中材亦可以寡過卽以詩論而三百篇及漢魏盛唐之意境並可於此而得之其有益於倫常詩教似非淺尠要皆發明小學之緒論爾

一三百篇後詩莫真於漢魏今取木蘭行以教孝焦仲卿妻詩以教貞後來名作凡摹寫貞孝者大率胎源於此此爲詩之真種子可與三百篇並讀此外如羽林郎

董嬌嬈及定情美女諸篇託詞男女義關君臣朋友正如離騷之思美人不專爲豔情發也然恐讀書者不得其指或誤流於冶蕩卽塾師爲初學講解亦殊難措辭此皆無益於身心日用者至若子夜讀曲諸詩專詠豐情尤不必令初學讀也

一古人引詩多斷章取義如經傳所引諸詩皆別有會心不拘拘於故訓聖門中子夏因論詩而知學子貢因論學而知詩並爲聖人所許他若讀鹿鳴而兄弟同食好晨風而慈父感悟亦庶幾焉是編於教戒外又終之

以廣勸戒蓋古人之言包含無盡後人讀之隨其性情之淺深高下而各有所得故不復區分名目云

一詩貴有理趣然忌作理語如擊壤集濂洛風雅諸書理非不足也然去風人比興之旨或遠故多不樂觀是編所錄皆取其含蓄而有餘味者使讀者領取絃外之音自能舞蹈奮興而不自已詩學從此入門更合溫柔敦厚之教而不惑於歧趨亦不墮於理障也

一詠忠孝節義之作如木蘭仲卿諸詩古不多見明李茶陵新樂府及昭代尤西堂明史樂府摹寫忠義淋漓

盡致蔣茗生太史所作忠臣孝子貞女烈婦諸詩以班馬之筆行杜韓之法錯綜變化屈注行閒均可謂特開生面此外作者林立是編彙錄之皆足以厚人倫勵薄俗尤於三百篇漢魏之旨爲近

一古今名作如林實多挂漏然其勢不能盡錄亦無庸盡錄蓋其大要已具於此矣卽如小學中所載嘉言懿行不過略舉其尤非謂遂盡於是也

一當代之詩初擬不錄然小學所載多宋賢之言行范魯公誠從子詩亦宋人作也故援此例而博取之

一范魯公詩係長篇朱子採錄其大半是編錄焦仲卿
妻詩照楊升菴選本節去二百餘字亦援朱子之例也
一自咸豐軍興以來忠臣義士烈女之流見於詩歌者
不少然爲時太近又耳目未周故未採載抑以俟後人
之續編耳

小學弦歌目錄

卷一

教孝

補南陔三章

束皙

木蘭歌

梁人

履霜操

韓愈

遊子吟

孟郊

新嫁娘

王建

燕詩示劉叟

白居易

慈烏夜啼

宿彭水縣感懷

陸游

清明行

胡時中

清明詩

張嶠

寄子詩

宋人

寄子詩

宋人

先太師忌日 文天祥

天台道中 左緯

春草謠 李孝先

孝子行 查居廣

風樹操 高啟

錢孝子廬墓

題愛日堂 方孝孺

遊子吟 袁凱

夢母 劉宗遠

望月思親 沈周

萱庭春意 明人

履霜操 周瑛

寄子詩 吳敬夫

乞歸養未允 邵寶

弄潮怨 李東陽

乳姑曲

痛親 繆昌期

憶母 史可法